

عدد — ۹۵

امور اداره و تحریریه و اعلانات و سائرہ
ایچون مدیر مسئولہ مراجعت ایدلیدر .
عرفای امتک مقالات متصوفانہ لربنہ
جریده صوفیہ نک صحیفہ لری آچقندر .
درج ایدلیان اوراق اعاده ایدلر .

جریده تصوف

شیمدیلك هفته ده بر نشر اولنور .

نسخه سی ۴۰ پاره در .

ابونہ سی : بر سنه لك اعتباریلہ ممالك
عثمانیہ ایچون : ۴ آلتی آیلغی ۲۵ غروش
وممالك اجنبیہ ایچون اون ایکی فرانقدر

محل اداره باب عالی جوارنده ابوالسعود
جاده سنده نجم استقبال مطبعہ سی

تصوفی ، دینی ، اخلاقی ، سیاسی جریده اسلامیه در .

مناجات

هائله زائله وسیله سیله

۱

یا الهی مؤمنینک ایتدیک ی فریاد و آه
کوش ربانیتکدن دور دکل بی اشتباه
هپ امکدرله املار عاقبت اولدی تباہ

درد طرفدن صاردی اعدا قالمدی جای پناه
اهل اسلامه عنایت ایله ارتق یااله

۲

اوج عصردر حرص کفار مالکی برباد ایلور
پیغمده عدلی تملدن ظلمی بنیاد ایلور
مسلمینک هر نوع اقوامی فریاد ایلور

درد طرفدن صاردی اعدا قالمدی جای پناه
اهل اسلامه عنایت ایله ارتق یااله

۳

بر زمانلر دین اسلام کائناته نور ایکن
مشرکینک اکثریسی فیضنه مسحور ایکن
شمعیده سالککری هپ بویه جه مفدور ایکن

درد طرفدن صاردی اعدا قالمدی جای پناه
اهل اسلامه عنایت ایله ارتق یااله

۴

دوندی دنیا سرتسر کویا خرابانخانه یه
اکثریتله مساکن بکزیور ویرانه یه
معکس اولدی هر طرف فریاد مظلومانه یه

درد طرفدن صاردی اعدا قالمدی جای پناه
اهل اسلامه عنایت ایله ارتق یااله

۵

امتک حالی بوکون اولدی اسارتدن بتر
مرحمت ایله الهی چکدیک ارتق یتر
یوق ممالکده رفاه واستراحتدن اثر

درد طرفدن صاردی اعدا قالمدی جای پناه
اهل اسلامه عنایت ایله ارتق یااله

۶

کرچه تقصیراتر چوقدر بزم بی اربتاب
هر خطایی ایشلیوب کوسرمدک اصلا صواب
بر عزمله یایمقدده اجتماعی انقلاب [۱]

[۱] مقصد سوبه عرفانی بوکسنتوب رفیلرک درجه صغه وارمق و منی
بککدر.

آچیلمشکن ید قدرتله استعدادکه روزن
ضیا آل شمسدن ، کندی الکلہ پردہ لر چکمه
ایشی میزانه قوی ، اغوای نفسک اولماسین رهزن
براق اندیشه یی ، جام محبت چک ، کدر چکمه

اولاش بزم وصال یاره ، ایت ترک انانیت
خدایه دوزرو عزیم ایله ، ایشیت فروا الی الهی
جمال لازالی کورمک اولسون هپ سکا نیت
الهیات ایچنده شعله آهکله بول راهی

ندر برقطره ؟ دریانک موقف جزه مذمتی
آنی عمانه آت ، درحال اولور ممزوج کلیت
کافی سینهدن سیل ، چک کوکلدن وهم ایله شکی
سن علوی سک ، سنی جهل ایلش دوچار سفلیت

چالیش مردان عالی همک طوط دامن پاکن
ار اول یاهو! اولردن اکر سن همت ایسترسهک !!
امین اول فی امان الله ، سور دلدن فنا پاکن
بقای ایسته ، نعمتیز جهانده نعمت ایسترسهک

سری

مثنوی و مولوی

شرق و غربه منتشر اولمش گناب مثنوی
سکه هلیاسنک وارد کال قیمتی
هر مجوهردن کران تردر فلکده رفعتی
قوه قدسیه سی مانند نطق عیسوی
کلشن اهل ولادر حقیقت داوری
سوزلری کبریت احمر نظمک یوق پیروی
سالک راه هدایه پیشوادر مثنوی
جاهل اوله آج کوزک باق اکسیر اعظمدر مثنوی
محترصلر محو ایدر بردمده شان وشوکتی
حق پرستلر بوله ده هر آنده صاحب دولتی

مثنویخوان

عشق

درت طرفدن ساردی اعدا قالمدی جای پناه
اهل اسلامه عنایت ایله ارتق یااله

۷

دائما ذلته مزوج طبعمز معتادیمز
شان وعزتله عمر سورمش بتون اجدادیمز
بزله طعن ایلمی سکره دن احفادیمز

درت طرفدن ساردی اعدا قالمدی جای پناه
اهل اسلامه عنایت ایله ارتق یااله

۸

عطف اولسه خارجك احواله شویله نظر
مطلقا منظور اولور بیکلرجه غم یوز بیک کدر
ایتمده دینداشلر هپ شرد شمدن خدر

درت طرفدن ساردی اعدا قالمدی جای پناه
اهل اسلامه عنایت ایله ارتق یااله

۹

عالم ارواحه امرایت لطف ایدوبده آی خدا
کسون امداده محمله علی المرتضی
عسکر اسلامه نصرت ایله احسان بعدما

درت طرفدن ساردی اعدا قالمدی جای پناه
اهل اسلامه عنایت ایله ارتق یااله

صومه تحصیل مأموری

م : حفظلی

قوش اطلالی ابراهیم افندی مرحومك غزلانی تخمیس

عشق ایله سرمست اولان درویش سامان ایسته مز
واصل جانان اولان سیرکستان ایسته مز
بنلکی ترك ایله بنلر شهرت و شان ایسته مز
وجه یاره دوش اولان عالمده سیران ایسته مز
جانی جانانه تسلیم ایله یین جان ایسته مز
هسنی موهومنی توحید ایله هدم ایله یین
نفسنی چله یله تأدیب ایله یوب نرم ایله یین
سوی حقه صورت جدیده عزم ایله یین
بومسافر خانه نك فانیلکن فهم ایله یین
خانه قلبنده حقدن غیری مهمان ایسته مز
جذب ایدر حق رؤیت دیدارینه لایققری
جلوه گاه عشقنه لایق کورر صادققری
سیر فی الله ایتده کور مجنونلری ، وامقلری
جنت اوتماز ، طامودن قوماز خدا عاشققری

حق بودر ارباب عشق جنات و غلمان ایسته مز
قشر الفاظی آثار واقف اولان لب الله
دیده حقین ایله ایلر نظر هر جانبه
آشنای قلب اولان رغبت ایدرمی قابله
کرچه ظاهر علمنك ده نفی واردر طالبه
لیک اسراره ایرنلر صوری عرفان ایسته مز
داخل اولمق ایسته یین ارباب عشقك بزمنه
وارلغن احما ایدر پروانه وش حق شمعنه
التفات ایتمز جهانك ذوق کرما کرمنه
ارجعی آوازی ایردی مرغ جانم سمعه
بی قرار اولدم انکجیون وردخدان ایسته مز
روحه اخلاص ایله برفاتحه اتخاف ایچون
ال آجوب ایله دعا الله صدقکه بتون
قبرمه حرمتله کل وضع خشوعکه کورون
ماسوا اللهدن مجرد اولدی ابراهیم بوکون
وارینی دلداره ویردی وصل وهجران ایسته مز

ازمیر مولوی شیخی

نورالدین

آهنك رقیقمزدن

کلاه مولوی

لانه عنقای حکمتدر کلاه مولوی
آسمان شمس عزتدر کلاه مولوی

مولویار محفلنده صحبت عاشق جهان
چونکه تمثال ظرافتدر کلاه مولوی

مسلك جدیتك بر شاهد علیسیدر
تاج مردان متانتدر کلاه مولوی

موقعی غایت یوجه ، غایتله قیمتداردر
ستره درج فطانتدر کلاه مولوی

رنك و بوی جلب قلب ایتمکده در فوق الرؤس
زهره طوبای زهتدر کلاه مولوی

ازمیر : مرکز اعشار ایکنجی کاتبی

احمد ضیا

اخطار

غزته مز ۹۶ نجی نسخه سیله اوچنجی سنه سنی اکال ایدم -
چکیندن او، واولکی سنلره عائد ابونه بدللرینی ارسال ایتمیان ذواتک
تأدیة دیون ایتملری رجا اولنور .

مدیر مسئول : حسن کاظم

نجم استقبال مطبوعی